



**COGAMI - LUGO**

## **ESTATUTOS DE COGAMI LUGO**

**"VII Asemblea Xeral Extraordinaria 2008"**

**ESTATUTOS DA FEDERACIÓN DE ASOCIACIÓNS DE PERSOAS CON DISCAPACIDADE DE LUGO**  
**"COGAMI LUGO"**  
**"VII ASEMBLEA XERAL EXTRAORDINARIA 2008"**

**ÍNDICE**

**CAPÍTULO I**

**DENOMINACIÓN, OBXECTO, ÁMBITO E DOMICILIO**

<b>Artigo 1</b> Denominación .....	1
<b>Artigo 2</b> Personalidade .....	1
<b>Artigo 3</b> Domicilio.....	1
<b>Artigo 4</b> Duración e ámbito .....	1
<b>Artigo 5</b> Misión e Visión .....	2
<b>Artigo 6</b> Principios e valores.....	2
<b>Artigo 7</b> Fins .....	3
<b>Artigo 8</b> Medios.....	4

**CAPÍTULO II**

**DOS MEMBROS**

<b>Artigo 9</b> Dos Membros.....	5
<b>Artigo 10</b> Dos Tipos de Membros .....	5
<b>Artigo 11</b> Dos Membros de Honra e Colaboradores .....	6
<b>Artigo 12</b> Da Dobre afiliación .....	6
<b>Artigo 13</b> Dos Ingresos e baixas .....	6
<b>Artigo 14</b> Do Procedemento de admisión.....	7
<b>Artigo 15</b> Dos Documentos de admisión .....	7
<b>Artigo 16</b> Do Número de membros.....	7
<b>Artigo 17</b> Dos Deberes .....	7
<b>Artigo 18</b> Dos Dereitos.....	8
<b>Artigo 19</b> Do Réxime disciplinario.....	8
<b>Artigo 20</b> Da Perda da condición de membro .....	9

**CAPÍTULO III**

**DOS ÓRGANOS DE GOBERNO**

<b>Artigo 21</b> Dos Órganos de goberno .....	9
<b>Artigo 22</b> Da Asemblea Xeral .....	10
<b>Artigo 23</b> Delegación.....	10
<b>Artigo 24</b> Participación na Asemblea .....	10
<b>Artigo 25</b> Funcións da Asemblea Xeral .....	10
<b>Artigo 26</b> Clases de Asemblea e a súa convocatoria .....	11
<b>Artigo 27</b> Dos acordos da Asemblea Xeral .....	12
<b>Artigo 28</b> Da Xunta Directiva .....	12
<b>Artigo 29</b> Da Duración.....	13
<b>Artigo 30</b> Da elección da Xunta Directiva.....	13
<b>Artigo 31</b> Funcións da Xunta Directiva.....	13
<b>Artigo 32</b> Funcionamento da Xunta Directiva .....	14
<b>Artigo 33</b> Comisión Permanente.....	15
<b>Artigo 34</b> Comisión de Ética.....	15
<b>Artigo 35</b> Do Presidente .....	16
<b>Artigo 36</b> Do Vicepresidente .....	16

**ESTATUTOS DA FEDERACIÓN DE ASOCIACIÓNS DE PERSOAS CON DISCAPACIDADE DE LUGO**  
**"COGAMI LUGO"**  
**"VII ASEMBLEA XERAL EXTRAORDINARIA 2008"**



<b>Artigo 37</b> Do Secretario.....	17
<b>Artigo 38</b> Do Tesoureiro.....	18

**CAPITULO IV**

**DO RÉXIME DE IMPUGNACIÓN DOS ACORDOS SOCIAIS**

<b>Artigo 39</b> Das Impugnacións .....	18
<b>Artigo 40</b> Recursos .....	19

**CAPITULO V**

**DO RÉXIME ECONÓMICO E FINANCEIRO**

<b>Artigo 41</b> Recursos económicos .....	19
<b>Artigo 42</b> Cotas.....	20
<b>Artigo 43</b> Pago de cotas .....	20
<b>Artigo 44</b> Do Orzamento .....	20

**CAPITULO VI**

**DA MODIFICACIÓN DE ESTATUTOS**

<b>Artigo 45</b> Procedemento de modificación.....	21
--	----

**CAPITULO VII**

**DA DISOLUCIÓN E LIQUIDACIÓN**

<b>Artigo 46</b> Da Disolución.....	21
<b>Artigo 47</b> Comisión liquidadora .....	21
<b>Artigo 48</b> Da Asemblea Xeral no período de liquidación .....	22
<b>Artigo 49</b> Do Destino dos bens resultantes .....	22





## **CAPÍTULO I DA FEDERACIÓN**

### **Artigo 1 Denominación**

Ó amparo do artigo 22 da Constitución, polo establecido na Lei Orgánica 2/2002 do 22 de marzo reguladora do Dereito de Asociación e pola demais lexislación existente en materia de Asociacións que lle sexa aplicable, así como polo previsto nos presentes estatutos. rexerase a entidade denominada **Federación de Asociacións de Persoas con Discapacidade de Lugo; en diante "COGAMI LUGO"**.

A COGAMI LUGO é o resultado da libre vontade das entidades que a integran, ostentando a súa representación no ámbito autonómico, estatal e internacional.

### **Artigo 2 Personalidade**

A Federación ten personalidade xurídica propia e independente da dos seus membros, e conforme ó artigo 35 e seguinte do Código Civil goza de plena capacidade para ser suxeito de dereitos e obrigas nos termos previstos nestes Estatutos e nas leis.

### **Artigo 3 Domicilio**

O enderezo social da Federación, a efectos legais, queda establecido na rúa da Luz nº 4, de Lugo, código postal 27002, (LUGO), teléfono 982.253.332, correo electrónico [fed.cogami.lu@cogami.es](mailto:fed.cogami.lu@cogami.es)

Pode ser trasladado a outro lugar por acordo da Xunta Directiva, que poderá decidir así mesmo a apertura de delegacións noutras localidades dentro da provincia, e de cantos lugares considere axeitados para o normal desenvolvemento da Federación. O traslado definitivo do domicilio social da Federación requirirá a ratificación da Asemblea Xeral.

### **Artigo 4 Duración e ámbito**

A Federación constitúese por tempo indefinido, agás causa legal ou estatutaria de disolución.

O ámbito territorial propio da Federación é o da provincia de Lugo; nembargantes poderá actuar por se mesma ou no seo doutras organizacións, no ámbito autonómico, estatal e internacional.



## **Artigo 5 Misión e Visión**

A Federación ten como misión conseguir a plena inclusión das persoas con discapacidade en tódolos ámbitos da sociedade, a través da defensa e promoción dos seus dereitos, da reivindicación do cambio social, da potenciación e coordinación do asociacionismo e da prestación de servizos que satisfagan as súas necesidades e expectativas.

A Federación ten como visión un movemento asociativo consolidado e amplamente recoñecido pola sociedade en xeral, polos seus valores, compromiso e liderado nas metodoloxías de traballo e na búsqueda da excelencia nas actuacións dirixidas o grupo social de persoas con discapacidade.

## **Artigo 6 Principios e valores**

COGAMI LUGO defínese como unha entidade que carece expresamente de animo de lucro, independente e libre, aconfesional, apartidista, non governamental, de carácter voluntario, e poderá solicita-la súa declaración de utilidade pública.

A Federación basea a súa actuación nos seguintes principios e valores:

- a) Democracia interna.
- b) Solidariedade entre os seus membros.
- c) O impulso da participación dos seus membros en tódalas súas actuacións.
- d) A Transparencia e publicidade na xestión e actuación das entidades.
- e) Defensa das necesidades xerais por enriba de intereses particulares.
- f) Desbotar protagonismos e actitudes competitivas.
- g) A defensa do grupo social como titulares de dereitos evitando as mensaxes sentimentalistas, paternalistas e asistenciais.

Os valores que a Cogami Lugo propugna son a consideración das persoas con discapacidade como suxeitos titulares de dereitos e deberes, a calidade na actuación das entidades, a eficacia e a eficiencia, a mellora continua, o compromiso polo conxunto do grupo de persoas con discapacidade.



*[Handwritten signatures in blue ink on the left margin]*

**Artigo 7**  
**Fins**



- a) Acadar unha sociedade onde o grupo social das persoas con discapacidade poidan disfrutar dos seus dereitos en condicións de igualdade real, co máis absoluto respecto a súa dignidade e diversidade.
- b) Defensa do dereito a un xeito de vida e a un entorno social que garanta a vida independente e o desenvolvemento autónomo de toda persoa con discapacidade.
- c) A defensa dos dereitos e liberdades das persoas con discapacidade severa ou de gran dependencia, así como a promoción da súa integración e participación activa na sociedade.
- d) Promove-la plena integración escolar, laboral e social das persoas con discapacidade.
- e) Crea-las condicións para que as entidades membro poidan cumprir axeitadamente a misión.
- f) Promover actitudes sociais positivas cara a persoa con discapacidade.
- g) Promove-la lexislación axeitada que mellore a situación do colectivo.
- h) Orientar, coordinar e impulsar o movemento asociativo integrado na Federación con criterios de solidariedade.
- i) Reunir e difundir información xeral e especializada sobre os problemas da discapacidade.
- j) Representar os seus membros no ámbito provincial, autonómico, estatal e internacional.
- k) Desenvolver estratexias solidarias para que se poidan acadar equilibrios interterritoriais en calidade e servizos.
- l) Promoción e desenvolvemento persoal e social da muller con discapacidade, loitando pola súa igualdade de oportunidades na esfera social
- m) Desenvolver programas e actividades, dentro da propia discapacidade, dirixidos especificamente á atención da infancia e a xuventude.
- n) Desenvolver programas e actividades, dentro da propia discapacidade, dirixidos especificamente á atención das persoas maiores.



**ESTATUTOS DA FEDERACIÓN DE ASOCIACIÓN DE PERSOAS CON DISCAPACIDADE DE LUGO "COGAMI LUGO"**

**"VII ASEMBLEA XERAL EXTRAORDINARIA 2008"**

- o) Desenvolver programas e actividades, dentro da propia discapacidade, dirixidos especificamente á calquera outro colectivo en risco de exclusión social.
- p) Desenvolver programas e actividades relacionados co fomento e participación do voluntariado social.
- q) Promover e por en funcionamento todo tipo de iniciativas deportivas para persoas con discapacidade, priorizando aquelas que impulsen o deporte de base.
- r) Promover e pór en funcionamento todo tipo de iniciativas culturais, educativas e de lecer orientadas ás persoas con discapacidade.
- s) A cooperación internacional e ó desenvolvemento, así como a loita contra a pobreza no ámbito da discapacidade a escala internacional.
- t) Calquera outro que, de xeito directo ou indirecto, poida contribuír ó cumprimento da misión da Federación ou redundar no beneficio das persoas con discapacidade.



**Artigo 8  
Medios**

Para o cumprimento da misión e dos fins, a Federación poderá:

- a) Organiza-los servicios necesarios de investigación, estudio, programación, información, asistencia técnica, xestión especializada e outros equivalentes que as circunstancias aconsellen, así como actividades, cursos e seminarios sobre diversos aspectos da discapacidade.
- b) Promover, facilitar ou utilizar tódolos medios lícitos de información, formación e difusión para dar a coñece-los problemas das persoas con discapacidade e o seu entorno.
- c) Incorporarse a confederacións, asociacións, entidades e organismos de carácter autonómico, estatal ou internacional que poidan ser de utilidade para acadar os fins da Federación.
- d) Establecer un sistema coherente na estruturación do movemento asociativo.
- e) Promover o voluntariado e a súa formación para o cumprimento dos seus fins sociais.
- f) Desenvolver actividades e iniciativas, dentro do marco legal, que permita o sostemento económico do movemento asociativo.



**ESTATUTOS DA FEDERACIÓN DE ASOCIACIÓNS DE PERSOAS CON DISCAPACIDADE DE LUGO "COGAMI LUGO"**

**"VII ASEMBLEA XERAL EXTRAORDINARIA 2008"**

- g) A integración, creación e promoción de centros, educativos, ocupacionais, profesionais; residenciais, vivendas tuteladas e de protección oficial ou calquera outro centro, da cal a súa tipoloxía sexa autorizada por Lei; na que primen a inserción socio - laboral das persoas con discapacidade conforme a lexislación vixente.
- h) A promoción de centros laborais incluídos os centros especiais de emprego; participando, promovendo e creando iniciativas empresariais que primen a inserción laboral das persoas con discapacidade, en postos de traballo adaptados as súas capacidades e en condicións de igualdade de deberes e dereitos cos demais traballadores, conforme a lexislación vixente en tódolos casos, priorizando:
- 1) Os Centros Especiais de Emprego dos que a titularidade maioritaria pertenza a unha Asociación sen ánimo de lucro e os seus beneficios repercutan integramente nos propios traballadores discapacitados e/ou na labor social de dita Asociación.
  - 2) Os Centros Especiais de Emprego que adopten a forma xurídica de Cooperativas ou Sociedades Laborais, sempre e cando os beneficios repercutan integramente nos propios traballadores do Centro ou nunha Asociación sen ánimo de lucro pertencente ó movemento Asociativo.
- i) Valerse de calquera outro medio lícito que sirva para a realización dos seus fins.

**CAPITULO II  
DOS MEMBROS**

**Artigo 9  
Dos Membros**

COGAMI LUGO constitúese como unha entidade aberta da que poden formar parte, previa aprobación prevista nos presentes estatutos, tódalas organizacións que o soliciten sempre que carezan expresamente de ánimo de lucro e compartan os principios e fins da Federación na defensa da plena integración das persoas con discapacidade.

**Artigo 10  
Dos Tipos de Membros**

A Federación terá as seguintes clases de membros:

- a) Asociacións, federacións ou fundacións dedicados exclusivamente a unha tipoloxía determinada ou a algún campo específico para a promoción ou xestión de servizos para persoas con discapacidade, sempre que teñan presenza na provincia.
- b) Entidades de ámbito comarcal, intercomarcal ou supramunicipal que sexan recoñecidas pola súa capacidade de xestión e incidencia, así como aquelas que desenvolven a súa actividade en concellos de alomenos 50.000 habitantes.



### **Artigo 11**

#### **Dos Membros de Honra e Colaboradores**

A Federación poderá ter Presidente de Honra

Asemesmo poderán ser nomeados membros de honra todas aquelas persoas físicas ou xurídicas que se distinguan pola súa actuación a favor dos fins da Federación e do colectivo que representa.

Os membros de honra non estarán suxeitos ás obrigas establecidas nos presentes estatutos, nin serán titulares de dereitos agás a súa asistencia a Asemblea Xeral Ordinaria con voz pero sen voto

Os socios colaboradores serán todas aquelas persoas físicas ou xurídicas que desexen colaborar de maneira desinteresada ca Federación mediante a súa participación ou mediante aportacións económicas. Os socios colaboradores non son titulares de obrigas nin dereitos

### **Artigo 12**

#### **Da Dobre afiliación**

Tódalas entidades que directa ou indirectamente, sexan membros de COGAMI LUGO, non poderán ser membros doutras Entidades Provinciais distintas as sinaladas no apartado a) do artigo 10.

### **Artigo 13**

#### **Dos Ingresos e baixas**

O ingreso na Federación como membro da mesma será voluntario. A baixa será voluntaria ou forzosa, por causa legal ou estatutaria. Toda causa de expulsión constará, debidamente acreditada, no correspondente expediente, que non poderá ser resolto sen a audiencia da parte interesada.

### **Artigo 14**





### **Do Procedemento de admisión**

O procedemento de admisión será:

- a) Solicitude escrita da entidade interesada dirixida ó Presidente da Federación.
- b) Firma dun compromiso cos valores e fins da Federación.
- c) Presentación da documentación esixida.
- d) Acordo da Xunta Directiva da Federación, mediante o voto favorable de, alomenos, dos dous tercios dos votos presentes, que deberá ser ratificado pola Asemblea Xeral.

### **Artigo 15 Dos Documentos de admisión**

Documentación a presentar pola entidade:

- a) Copia autorizada dos estatutos correspondentes.
- b) Certificación relativa ó número co que foi inscrita no rexistro correspondente.
- c) Relación dos compoñentes da Xunta Directiva.
- d) Memoria de actividades e o balance económico dos tres últimos anos aprobado polos órganos correspondentes, agás entidades de nova creación que presentaran o do último exercicio.
- e) Acordo de integración na Federación adoptado polo órgano correspondente.
- f) Relación das asociacións integrantes ou do número de socios.

A Xunta Directiva poderá solicita-la ampliación da documentación que considere necesaria.

### **Artigo 16 Do Número de Membros**

Non se establece un número máximo de membros da Federación.

### **Artigo 17 Dos Deberes**

- a) Cumprir canto se dispón nos presentes Estatutos.



**ESTATUTOS DA FEDERACIÓN DE ASOCIACIÓN DE PERSOAS CON DISCAPACIDADE DE LUGO "COGAMI LUGO"**

**"VII ASEMBLEA XERAL EXTRAORDINARIA 2008"**

- b) Actuar de maneira acorde cos principios e valores da Federación e respecta-la dignidade e os dereitos das persoas con discapacidade.
- c) Acata-los acordos validamente adoptados polos órganos de goberno da Federación.
- d) Asistir ás Asembleas Xerais.
- e) Aportar toda a documentación relativa á entidade requirida pola Xunta Directiva.
- f) Contribuír ó sostemento da Federación, aportando para elo os medios necesarios dacordo co establecido pola Asemblea Xeral ou a Xunta Directiva.
- g) Presentar informe de auditoría a petición da Xunta Directiva, previa xustificación.



**Artigo 18  
Dos Dereitos**

- a) Formar parte dos órganos de participación e dirección que se establezan nestes Estatutos.
- b) Participar nas Asembleas Xerais nas condicións que se determinan nos Estatutos.
- c) Utiliza-la imaxe de COGAMI LUGO previa autorización da Xunta Directiva.
- d) Participar nos programas e iniciativas que sexan impulsados ou coordinados pola Federación, nas condicións que establezan os seus órganos de goberno.
- e) Ser informados oportunamente das actuacións da Federación.
- f) Ser apoiados pola Federación nas iniciativas que se crean oportunas.
- g) Utiliza-los servicios de toda índole que se creen na Federación.

**Artigo 19  
Do Réxime disciplinario**

A proposta da Xunta directiva, a Asemblea Xeral da Federación establecerá un Réxime Disciplinario que regule o procedemento e as sancións que poidan imporse ós membros que vulneren os presentes estatutos e as decisións dos órganos de goberno.

**Artigo 20**

### **Da Perda da Condición de Membro**

Poderá perderse a condición de membro da Federación por:

- a) Decisión Voluntaria, manifestada por escrito.
- b) Por causa ou disposición legal.
- c) Por expulsión, a causa de:
  - 1) Incumprimento grave do previsto nos presentes Estatutos.
  - 2) Reiterado incumprimento dos acordos adoptados polos Órganos de Goberno.
  - 3) Desenvolver una actuación perxudicial e grave para os intereses da Federación.
  - 4) Non por a disposición da Federación a información ou documentación requirida polos Órganos de Goberno.
  - 5) Utilizar medios, para a obtención de fondos, que atenten contra a dignidade das persoas con discapacidade, ou non permitan o control da recadación, custos e destino dos beneficios obtidos.

A expulsión como membro da Federación só poderá producirse previa audiencia da entidade de que se trate, terá efectos definitivos a partir do momento no que se produza o acordo por parte da Asemblea Xeral e levará aparellada a perda de tódolos dereitos derivados da condición de membro.

## **CAPÍTULO III DOS ÓRGANOS DE GOBERNO**

### **Artigo 21 Órganos de Goberno**

A Federación rexérase polo sistema de autogoberno e o principio de representación, a través dos seguintes órganos colexiados:

- a) Asemblea Xeral.
- b) Xunta Directiva.
- c) Comisión Permanente.



*[Handwritten signatures in blue ink on the left margin, including the name 'Luisa' and other illegible names.]*

## **Artigo 22 Da Asemblea Xeral**

A Asemblea Xeral é o máximo órgano de goberno da Federación e estará integrada por:

- a) Un representante de cada unha das entidades membro.
- b) Tódalas persoas compoñentes da Xunta Directiva da Federación. O Presidente e o Secretario da Xunta Directiva o serán da Asemblea Xeral.

## **Artigo 23 Delegación**

A asistencia e participación na Asemblea Xeral son indelegables.

## **Artigo 24 Participación na Asemblea**

- a) Tódolos membros da Federación terán dereito a voz e un voto.
- b) Os membros da Xunta Directiva terán cada un de eles un voto, con independencia dos que correspondan á entidade que, en cada caso, os propuxese.
- c) Non poderán ser membros da Asemblea Xeral todas aquelas persoas que directamente, ou indirectamente mediante o seu cónxuxe ou relación análoga, parentes por consanguinidade ou afinidade ata o segundo grao inclusive, estén relacionadas con Centros Especiais de Emprego con Animo de Lucro ou calquera outra actividade profesional, empresarial ou industrial que puidese dar lugar a un conflito de intereses.
- d) Poderán asistir ás reunións da Asemblea, previo acordo da Xunta Directiva, con voz e sen voto, e a título de invitados, todas aquelas persoas que se considere poidan aportar xuízos ou informacións técnicas útiles e importantes, para as decisións deste órgano.

## **Artigo 25 Funcións da Asemblea Xeral**


Serán funcións da Asemblea Xeral:

- a) Coñecer e aproba-los Plans de Actuación da Federación.



*[Handwritten signatures in blue ink on the left margin]*





- b) Aproba-los orzamentos de ingresos e gastos, de cada exercicio, a conta de liquidación de tales orzamentos e a disposición de bens. Así mesmo, examinar e, no seu caso, aproba-lo balance de situación de cada exercicio.
- c) Fixar, a proposta da Xunta Directiva, as cotas de calquera tipo que deban aboar os diversos membros.
- d) Examinar e, no seu caso, aproba-la Memoria que cada ano deberá presenta-la Xunta Directiva.
- e) Establece-lo réxime disciplinario.
- f) Adoptar resolución sobre os asuntos que figuren na Orden do Día ou que se susciten co apoio dos dous tercios dos votos presentes.
- g) Aproba-la modificación de Estatutos.
- h) Ratifica-la incorporación ou expulsión de membros da Federación.
- i) Ratifica-la composición da Xunta Directiva dacordo co previsto nestes Estatutos.
- j) Dirimir toda diferenza ou discrepancia que xurda entre unha ou máis das Entidades membros e calquera órgano da Federación, como igualmente as cuestións que xurdan sobre a interpretación destes Estatutos ou dos acordos adoptados polos distintos órganos da Federación.
- k) Acorda-la disolución da Federación.

**Artigo 26**  
**Clases de Asemblea e a súa convocatoria**

A Asemblea Xeral reunirase ordinariamente, durante o primeiro semestre de cada ano, e extraordinariamente sempre que o acorde a Xunta Directiva ou o soliciten, alomenos, o 25 por cento dos membros da Federación, no cal deberá convocarse no prazo máximo dun mes.

Na convocatoria constará, en todo caso, a orde do día acordado pola Xunta Directiva no que, no seu caso, deberán incluírse tódolos asuntos propostos polo 25 por cento dos membros que solicitaran a asemblea. A convocatoria comunicárase ós membros da Federación cunha antelación mínima de quince días, por correo certificado ou mediante calquera medio que deixe constancia da convocatoria.



## **Artigo 27**

### **Dos acordos da Asemblea Xeral**

A Asemblea Xeral quedará validamente constituída en primeira convocatoria cando concorran na mesma a metade máis un dos seus membros por sí ou por representante debidamente autorizado e, en segunda convocatoria, calquera que sexa o número de membros asistentes. Entre a primeira e segunda convocatoria deberán mediar, alomenos, media hora.

Os acordos adoptaranse por maioría de votos. Os acordos relativos á disposición ou alleamento de bens inmoables, modificación de estatutos e disolución da Federación requirirán a celebración de Asemblea Xeral Extraordinaria e os acordos, para ser válidos, deberán ter, alomenos, o voto favorable dos dous tercios dos votos asistentes.

De toda Asemblea Xeral levantarase acta no libro correspondente e nela farase constar o número dos asistentes, os asuntos tratados e os acordos adoptados, indicando os votos a favor, en contra, abstencións e votos en branco e particulares. Para que os acordos sexan firmes e executivos, a acta deberá estar subscripta polo Secretario e o Presidente.

As certificacións de tales actas, así como os testemuños dos acordos nelas contidos expediranse, cando proceda ca firma do Secretario e o visto bo do Presidente.

## **Artigo 28**

### **Da Xunta Directiva**

A Xunta Directiva é o órgano de administración, xestión e representación da Federación.

A Xunta Directiva estará composta polos seguintes membros:

- Presidente/a.
- Vicepresidente/a.
- Secretario/a.
- Tesoureiro/a.
- Vocais, nun número nunca inferior a catro.

Para ser membro da Xunta Directiva e requisito indispensable a acreditación da súa condición de socio dunha das entidades membro da Federación. Así mesmo deberán cumpri-los requisitos esixidos para ser membro da Asemblea Xeral.

Os cargos da Xunta Directiva serán gratuítos, sen prexuízo do dereito a ser indemnizados polos gastos que lles ocasione o cumprimento das súas funcións, previa aprobación dos mesmos e xustificación documental.





Tódolos membros da Xunta Directiva terán voz e voto neste órgano, non podendo exercer votos delegados. En caso de empate nas votacións, o presidente poderá exercer un voto de calidade. Así mesmo tódolos membros da Xunta Directiva, terán dereito a voto nas Asembleas Xerais Ordinarias ou Extraordinarias, exceptuando aquela onde se elixa a totalidade da Xunta Directiva.

### **Artigo 29**

#### **Da duración**

- a) Os compoñentes da Xunta Directiva serán elixidos por un período de catro anos.
- b) Se se produce a metade máis un de baixas na Xunta Directiva, esta deberá convocar inmediatamente Asemblea Xeral Extraordinaria para proceder a cubri-las vacantes producidas no prazo máximo de corenta e cinco días.
- c) Mentres o número de baixas non sexa inferior a metade máis un, os membros cesantes, serán reemplazados na primeira Asemblea Xeral Ordinaria ou Extraordinaria, mentres tanto as vacantes poderán ser cubertas provisionalmente por designación da Xunta Directiva.

### **Artigo 30**

#### **Da elección da Xunta Directiva**

A elección e nomeamento da Xunta Directiva realizarase en Asemblea Xeral Extraordinaria convocada ó efecto:

- a) As candidaturas serán presentadas en listas pechadas e elixidas por maioría absoluta. No caso de presentarse máis dunha candidatura, será elixida a máis votada.
- b) As votacións serán a man alzada, a non ser ca maioría dos asistentes da Asemblea solicite ó voto secreto.
- c) Os cargos da xunta directiva serán nomeados e ratificados na mesma Asemblea.

### **Artigo 31**

#### **Funciós da Xunta Directiva**

Corresponde á Xunta Directiva:

- a) Executa-la política da Federación e os acordos adoptados na Asemblea Xeral.
- b) Administrar o patrimonio da Federación.



**ESTATUTOS DA FEDERACIÓN DE ASOCIACIÓN DE PERSOAS CON DISCAPACIDADE DE LUGO "COGAMI LUGO"**

**"VII ASEMBLEA XERAL EXTRAORDINARIA 2008"**



- c) Decidir sobre a realización de programas que vaian a ser executados ou coordinados desde a propia Federación.
- d) Acorda-la suspensión temporal dos dereitos dunha entidade membro.
- e) Determina-la orde do día da Asemblea Xeral.
- f) Cubrir, con carácter provisional, as vacantes que se produzan na Xunta Directiva.
- g) Nomear presidente e membros de honra, así como admitir os socios colaboradores.
- h) Facultar, por medio de poderes ás persoas que estime axeitado.
- i) Preparar cantos documentos deban ser aprobados pola Asemblea Xeral.
- j) Dispor ou decidir sobre calquera asunto de competencia e interese da Federación e que non estea reservado legal ou estatutariamente á Asemblea Xeral.
- k) En xeral, todas aquelas actividades ou acordos que redunden no beneficio da Federación dos que deberá dar conta á Asemblea.
- l) Resolver, na arbitrase de equidade ou por mediación, as controversias que poidan existir entre entidades membro da Federación. Esta actuación poderá ser efectuada por sí ou por delegación, designando unha comisión para elo que poderá estar integrada por persoas que non formen parte da Xunta Directiva.
- m) Interpreta-los presentes Estatutos.

**Artigo 32**  
**Funcionamento da Xunta Directiva**

A Xunta Directiva reunirse, alomenos, catro veces o ano, preferentemente unha vez cada trimestre ou cando o decida o seu Presidente por sí ou a petición do vinte por cento dos seus compoñentes.

O cargo de directivo osténtase a título persoal, polo que, cando non sexa posible a asistencia, só poderá delegarse a representación noutro membro da Xunta Directiva no caso da asistencia a actos da entidade.

A convocatoria das sesións, que comprenderá en todo caso a orde do día correspondente, será feita polo Presidente da Xunta Directiva ou persoa en quen delegue, ca antelación mínima de sete días salvo caso de especial urxencia. A

composición da orde do día das sesións corresponderá ó Presidente, a proposta do Secretario, quen terá en conta, no seu caso, as peticións dos demais membros.

Cando o estime oportuno a Xunta Directiva ou o Presidente, poderán acudir á reunión da mesma persoas non pertencentes a ela con carácter de asesores.



### **Artigo 33 Comisión Permanente**

- a) É o órgano colexiado subordinado a Xunta Directiva que ten como atribución fundamental e básica a de preparar e facilitar os traballos e actividades de esta. En caso de urxencia acreditada, a Comisión Permanente da Xunta Directiva poderá adoptar decisións, fixar posicións e realizar as xestións que sexan precisas para a defensa dos intereses da Federación, dando conta inmediata á Xunta Directiva, na primeira reunión que se celebre.
- b) A Comisión Permanente estará integrada como mínimo por catro membros de pleno dereito, condición que recaerá no Presidente/a, Vicepresidente/a, Secretario/a e Tesoureiro/a. A título de invitados e para materias concretas e determinadas, con voz pero sen voto, poderán asistir as súas reunións aquelas outras persoas que o propio órgano colexiado considere oportuno convocar.
- c) O Presidente/a e o Secretario/a da Federación asumirán tamén as funcións de Presidente e Secretario da Comisión Permanente.
- d) Para ostentar a condición de membro de dereito da Comisión Permanente é necesario formar parte da Xunta Directiva. A perda da condición de membro da Xunta Directiva determinará automaticamente a perda de condición de membro da Comisión Permanente.
- e) En canto o seu funcionamento, a Xunta Directiva determinará, mediante acordo validamente adoptado, as normas e regras as que axustará a súa actuación a Comisión Permanente para o exercicio das atribucións que ten encomendadas.

### **Artigo 34 Comisión de Ética**

Crearase unha Comisión de Ética composta por persoas pertencentes ou non á Federación, designadas pola Xunta Directiva.

Terá como finalidade, a de velar por que as actuacións tanto da propia Federación, como as dos seus membros a título individual sexan éticas, non irregulares e lícitas. Esta comisión non terá carácter executivo.



**Artigo 35  
Do Presidente**



Son funcións do Presidente:

- a) Representar oficialmente á Federación.
- b) Convocar e presidi-las reunións da Asemblea Xeral e da Xunta Directiva e da Comisión Permanente.
- c) Nomear a calquera persoa como Asesor, que serán ratificados pola Xunta Directiva, e de asignarlle as tarefas axeitadas e coa obriga de informar á Xunta Directiva, das recomendacións e informes deses asesores. As resolucións de calquera asesor non son vinculantes en ningún caso.
- d) Permitir ou non, a presenza de invitados nas reunións da Xunta Directiva e nas Asembleas Xerais, tanto Ordinarias como Extraordinarias.
- e) Ordena-los pagos con cargo ós fondos da Federación. Leva a sinatura social conxuntamente co Secretario ou o Tesoureiro.
- f) A retirada dos fondos da Federación depositados en entidades bancarias para o que precisara a sinatura do Secretario ou do Tesoureiro.
- g) Autorizar ca súa firma as actas das reunións da Asemblea Xeral e a Xunta Directiva.
- h) Velar pola execución dos acordos adoptados na Asemblea Xeral e a Xunta Directiva.
- i) Subscribir contratos en nome da Federación, outorgar poderes a terceiros, exercer accións e opor excepcións ante os órganos da xurisdicción ordinaria e especial, aceptar doazóns, legados e herdanzas, aceptar endosos, recibir subvencións e realizar calquera outro acto equivalente de interese ós fins da Federación.
- j) Coidar do debido cumprimento dos Estatutos, dos fins e principios da Federación.
- k) Calquera outro de interese para a execución dos Estatutos.

**Artigo 36  
Do Vicepresidente**

O vicepresidente substituirá temporalmente ó presidente nos casos de ausencia ou enfermidade.



Así mesmo, poderá asumir todas aquelas funcións do Presidente que este delegue expresamente nel.

No caso de substitución definitiva, esta será ós efectos tan só de convocatoria de novas eleccións; establecida para un período de tres meses.



### **Artigo 37 Do Secretario**

Corresponde ó Secretario:

- a) Custodia-los libros, documentos e selo da Federación, excepto os libros de contabilidade.
- b) Leva-lo libro de rexistro de Socios.
- c) Redacta-las actas das Asembleas Xerais e da Xunta Directiva.
- d) Librar certificacións con referencia ós Libros e documentos da Federación co visto e prace do Presidente.
- e) Constituír e retira-los depósitos, abrir contas e retira-los fondos, sendo necesario a sinatura do Presidente.
- f) Prepara-los puntos que teñen que tratarse nas Asembleas Xerais, enviaranse as Actas e a Orde do Día con quince días de antelación como mínimo.
- g) Responsabilizarse, xunto co Presidente, do debido cumprimento dos Estatutos e dos fins e principios da Federación.
- h) A organización dos servizos técnicos da Federación.
- i) Impulso e control do funcionamento da Federación.
- j) A representación xurídica ante todo tipo de instancias públicas e privadas, e de carácter administrativo e xudicial, por delegación do Presidente. As facultades máis amplías que en Dereito procedan para o exercicio de calquera tipo de acción, excepción o pretensión en calquera forma, en toda clase de procedementos administrativos, xudiciais o extraxudiciais ante todo tipo de persoas, entidades, organismos públicos ou privados e calquera clase de Xulgados, Tribunais o árbitros; y, expresamente, para la iniciación, seguimento ou terminación dos procedementos antes indicados, así como, especialmente, para desistir, renunciar, allanarse, transixir, someter a arbitraje e facer todo tipo de manifestacións que podan comportar sobreseimento do proceso por satisfacción extraprocesal. A tales efectos poderá nomear e apoderar os avogados e procuradores que teña por

**ESTATUTOS DA FEDERACIÓN DE ASOCIACIÓN DE PERSOAS CON DISCAPACIDADE DE LUGO "COGAMI LUGO"**  
**"VII ASEMBLEA XERAL EXTRAORDINARIA 2008"**



conveniente. Da utilización destas facultades dará conta a Xunta Directiva na primeira reunión que teñan lugar.

- k) Responsabilizarase de arquivos, ficheiros, así como do bo funcionamento das tarefas administrativas, en xeral, da Federación.

**Artigo 38**  
**Do Tesoureiro**

Corresponde ó Tesoureiro:

- a) Custodiar e levar libros de Contabilidade.
- b) Comunicar inmediatamente á Xunta Directiva o incumprimento ou irregularidades que se poidan producir nos cobros, pagamentos e, en xeral, na xestión económica da Federación.
- c) Custodia-los fondos da Federación, respondendo das cantidades das que se fixera cargo, conservando na caixa os fondos que a Xunta Directiva estime necesarios para o normal desenvolvemento da Federación. Para dispor dos fondos da Federación, necesitará da sinatura do Presidente.
- d) Farase cargo das cantidades que se ingresen na Federación, arquivando os libramentos que se fagan efectivos cos seus xustificantes.
- e) Constituír e retira-los depósitos, abrir contas e retira-los fondos, sendo necesario a sinatura do Presidente.
- f) Elaborará os presupostos anuais e fará previsións de futuro.
- g) Cobrará as cotas dos socios.
- h) Solicitará as subvencións oficiais, públicas ou non, que se acorden periodicamente.

**CAPÍTULO IV**  
**DA IMPUGNACIÓN DOS ACORDOS SOCIAIS**

**Artigo 39**  
**Impugnacións**

- a) As impugnacións que se formulen respecto das convocatorias, tanto da Asemblea Xeral como da Xunta Directiva da Federación, poderán realizarse



con carácter previo a éstas cando se trate de cuestións relacionadas ca propia convocatoria ou ca competencia dos asuntos propostos na orde do día e, salvo que o Presidente estime a existencia de erros ou vicios que poidan motiva-la anulación da convocatoria, deberán ser resoltas ó comezo da reunión.



- b) Os acordos da Xunta Directiva poderán ser impugnados ante a mesma no prazo máximo de quince días desde que tiveran coñecemento de dito acordo os ausentes na reunión. Quen estivera presente disporá do mesmo prazo sempre e cando salvaran expresamente o seu voto.
- c) Sen prexuízo das impugnacións, os acordos da Asemblea Xeral e da Xunta Directiva son executivos salvo que ditos órganos acorden a súa suspensión.

**Artigo 40**  
**Recursos**

- a) Os acordos adoptados na Xunta Directiva resolvendo impugnacións poderán ser recorribles ante a Asemblea Xeral no prazo de quince días.
- b) A impugnación dos acordos da Asemblea Xeral, incluídos os que resolvan impugnacións de acordos da Xunta Directiva substanciaranse ante os tribunais da xurisdicción ordinaria na forma e prazos que a lei determina.

**CAPÍTULO V**  
**DO RÉXIME ECONÓMICO E FINANCEIRO**

**Artigo 41**  
**Recursos económicos**

Para atender ós seus fins, a Federación contará cos recursos seguintes:

- a) As cotas que satisfagan os membros, si se establecen.
- b) As subvencións, doazóns, donativos, legados e herdanzas que se fagan a favor da mesma.
- c) Os bens propios, mobles e inmoables.
- d) O rendemento do seu patrimonio.
- e) Calquera outra aportación que obteña para ser destinada ó cumprimento dos seus fins.





- f) O capital fundacional da COGAMI – LUGO é nulo, e o presuposto anual non será menor de tres mil euros (3.000 €).

#### **Artigo 42** **Cotas**

As cotas serán das seguintes clases:

- a) Ordinaria anual, que será satisfeita na proporción que estableza a Xunta Directiva.
- b) Extraordinaria, na que a contía e condicións serán fixadas pola Asemblea Xeral cando as circunstancias o requiran.

#### **Artigo 43** **Pago de cotas**

As cotas deberán ser aboadas no prazo dun mes a partir da aprobación do orzamento anual correspondente, ou ó termina-lo prazo fixado cando foran extraordinarias.

A Xunta Directiva poderá acordar medidas disciplinarias para os membros que, nos prazos previstos no parágrafo anterior, e sen causa xustificada non aboaran as cotas. Así mesmo, quen á celebración da Asemblea Xeral non aboara a cota correspondente ó ano anterior, perderá o seu dereito a voto na mesma. A persistencia na falta de pago das cotas poderá ser causa de expulsión.

Nembargantes, a Xunta Directiva poderá outorgar moratorias ou dispensar o pago total ou parcial das cotas fixadas nos casos nos que as circunstancias o aconsellen, comunicándose tal decisión á inmediata Asemblea Xeral que se celebre.

#### **Artigo 44** **Do orzamento**

A Federación funcionará en réxime de orzamento anual. O borrador de orzamento será elaborado polo Tesoureiro da Asociación, que deberá telo preparado antes do un de xaneiro de cada ano, a fin de que poda ser aprobado na Asemblea Xeral Ordinaria. O exercicio económico coincidirá co ano natural.

Anualmente con referencia ó ultimo día do exercicio económico de cada ano, elaboraranse as contas, que se formalizarán nunha memoria, que será posta a disposición das Entidades, durante un prazo non inferior a 15 días ó sinalado para a celebración da Asemblea Xeral ordinaria, que deberá aprobalo ou censuralo.



## CAPÍTULO VI DA MODIFICACIÓN DE ESTATUTOS

### Artigo 45 Procedemento de modificación

Os Estatutos da Federación só poderán ser modificado previo acordo da Asemblea Xeral, convocada con carácter Extraordinario, por decisión da Xunta directiva ou a proposta da maioría dos membros da Federación, mediante escrito razoado dirixido á Xunta Directiva.

O acordo da Asemblea Xeral Extraordinaria deberá ser adoptado por maioría dos dous tercios dos membros presentes e representados.

## CAPITULO VII DA DISOLUCIÓN E LIQUIDACIÓN

### Artigo 46 Da Disolución

A Federación poderá disolverse por unha das seguintes causas:

- a) Polas causas determinadas no artigo 39 do Código Civil.
- b) Por sentenza xudicial firme.
- c) Por vontade dos dous tercios dos membros manifestada na Asemblea Xeral Extraordinaria convocada ó efecto.

### Artigo 47 Comisión liquidadora

Acordada a disolución da Federación pola Asemblea Xeral ou decidida, no seu caso, pola autoridade xudicial, a Xunta Directiva, constituída en Comisión Liquidadora, procederá á liquidación do patrimonio da Federación.

A Xunta Directiva poderá delegar a súa función en tres ou máis comisarios elixidos pola mesma entre os asociados das Entidades Membro.



**Artigo 48**  
**Da Asemblea Xeral no período de liquidación**

Durante o período de liquidación, a Asemblea Xeral conservará a plenitude de poderes e facultades que tiña con anterioridade ó acordo de disolución.

**Artigo 49**  
**Do Destino dos bens resultantes**

No caso de disolución definitiva, liquidadas tódalas obrigas pendentes que sexan da Federación, o sobrante de fondos que resultase pasarán a formar parte do patrimonio da Xunta de Galicia que poderá ceder en uso a aquelas entidades sen ánimo de lucro de persoas con discapacidade do país galego que defendan os principios fundamentais destes estatutos.

**DILIXENCIA:**

Os presentes Estatutos, quedaron redactados incluíndo as modificacións acordadas na VII Asemblea Xeral Extraordinaria celebrada ó efecto, na sede social da Federación de Asociacións de Minusválidos de Lugo (COGAMI LUGO), na Rúa da Luz, 4 de Lugo o día 29 de Marzo de 2008.

Vº e Pre.

Asdo.: José Luis Lolo Celeiro  
Presidente  
D.N.I.: 16.035.403-X

Asdo.: Mónica Álvarez San Primitivo  
Secretaria  
D.N.I.: 34.264.557-P

Asdo.: Miguel Ángel Hermida Bermúdez  
Tesoureiro  
D.N.I.: 76.411.959-W



**VISADO:**

Por resolución desta delegación provincial, de data , 7 de *majo* de 2008, acordouse o selado e visado dos presentes estatutos da entidade denominada **COGAMI LUGO** inscrita por Resolución de 22/04/1997, modificados por acordo da asemblea xeral extraordinaria celebrada ó efecto o día 29/03/2008. A referida asociación encontrase inscrita no rexistro provincial de asociacións co número 1997/000013-2º da sección primeira.

Lugo, 7 de *majo* de 2008

O delegado provincial

Asdo. Luis Rodríguez Edrosa

